

ՀՈՐԻՆՎԱԾ ԱՐԾԱԹԵ ԴՐԱՄ
«ԱՍՏՎԱԾԱՅԻՆ ԱՐՏԱՔՍԵՐՔՍԵՍԻ» ԱՆՎԱՄԲ

Ռ. Ե. ՎԱՐԴԱՆՅԱՆ

Արտաշեսյան արքաների կողմից թողարկված դրամների թվագրման, վերադրման, թողարկման վայրերը ճշգրտելու, դրանց շրջանառությունն ուսումնասիրելու ընադավառներում դեռ շատ դժվարին խնդիրներ կան լուծելու: Այս դժվարությունների մի զգալի մասը կապված է հայկական դրամների և դրամական գանձերի հայտնաբերման մասին ճշգրիտ տվյալների, դրանք, չնչին բացառություններով, հուսալի հնագիտական կոնտեքստի հետ կապելու հնարավորության բացակայության հետ: Գանձերը հաճախ կտրված են լինում ոչ միայն հնագիտական, այլև՝ դրամագիտական կոնտեքստից. դրանք կա՛մ խաթարված են, կա՛մ ընտրանի են, կա՛մ կազմում են կասկածելի միացություններ: Դրանով իսկ այդ գանձերը զրկվում են դրամագիտության համար առաջնակարգ սկզբնաղբյուրային նշանակությունից: Այս վիճակն ավելի է խճողվում ժամանակ առ ժամանակ կեղծ և հորինված դրամների ի հայտ դալով, ինչպիսիք են Ջարեհի պղնձե հորինվածքը¹, Տիգրան Մեծի ոսկե, արծաթե և բրոնզե կեղծ դրամներն ու հորինվածքները՝ և այլն:

Լ. Սարյանը, որը բազմաթիվ հետաքրքիր հոդվածների ու հրատարակումների հեղինակ է, «Պատմա-բանասիրական հանդեսի» 1998թ. երրորդ համարում մեզ ներկայացնում է Նյու Յորքի անձնական հավաքածուներից մեկում պահվող արծաթե մի դրամ, որի վավերականությունը, սակայն, լուրջ կասկածներ է հարուցում²:

Փորձենք ցույց տալ, թե որոնք են դրանք: Թեև ես չեմ տեսել և չոչափել դրամը, բայց Լ. Սարյանի ինձ ուղարկած բարձրորակ լուսանկարները, հոդվածում տրված նկարագրությունների հետ միասին, թույլ են տալիս գրեթե սպառիչ պատկերացում կազմել դրամի մասին: Իբրք, դրամի կշիռը

1 P. Z. Bedoukian. Coinage of the Artaxiads of Armenia. London, 1978, p. 46, pl. I, 1; V. Matiossian. Who was Zariadres? Some Notes on an Artaxiad Coin. – Armenian Numismatic Journal, 1995, 21, p. 17–19; Y. T. Necessian. Armenian Coins and Their Values. Los Angeles, 1995, p. 54.

2 Y. T. Necessian. Op. cit., p. 178–182; P. Z. Bedoukian. Op. cit., pl. I, 16 and 27, pl. 2, 42; C. Foss. The Coinage of Tigranes the Great: Problems, Suggestions and a New Find. – Numismatic Chronicle, 1986, 146, p. 24–25, note 20.

3 Տե՛ս Լ.Ա. Սարյանի «Արտաշես III-ին վերադրվող նոր արծաթե դրամ» հոդվածը՝ «Պատմա-բանասիրական հանդես» (ՊԲՀ), 1998, N 3, էջ 155–162:

Համապատասխանում է հելլենիստական դրախմայի կամ հռոմեական դենարի կշռին, իսկ մետաղաձուլական վերլուծության արդյունքները ցույց են տալիս, որ մետաղը, հավանաբար, հին է: Հեղինակը, սակայն, իրավացիորեն նշում է նաև, որ հատածուլյն արտաշեսյան դրամների համար (ես կավելացնեի նաև՝ այդ ժամանակի այլ դրախմաների և դենարների համար) ունի անսովոր մեծ տրամագիծ (22մմ) և անսովոր բարակություն: Այդ շեղումները հնարավոր են, եթե դրամը վերահատված է: Իսկ հին դրամագործության մեջ վերահատումը բավական տարածված էր: Մենք վստահում ենք դրամը հատված (այլ ոչ թե ձուլված) լինելու մասին Լ. Սարյանի դիտարկումներին, բայց կեղծ դրամ կարելի է հատել ոչ միայն այսօրվա մետաղից պատրաստված հատածուլյի վրա, այլև դրա համար օդատարածելով համապատասխան կշռի որևէ սովորական թողարկման հին դրամ: Այնուամենայնիվ, վերահատման հանգամանքն ինքնին կասկածի հիմք լինել չէր կարող, եթե այն չհամալրվեր դրամի վավերականությունը ժխտող այլ փաստերով:

Անդրադառնանք դրամի պատկերագրական առանձնահատկություններին: Եթե դրամը լիներ իսկական, ապա այն կարող էր լավ պահպանվածների շարքին դասվել: Դրամի վրա օգտագործումից առաջացած բնական մաշվածություն կամ միջավայրի անբարենպաստ պայմանների հետևանքով առաջացած քայքայվածության հետքեր չեն երևում: Մինչդեռ Ակոդմում դափնեպսակի ձախ հատվածի, արքայի դեմքի, խուլյրի մանրամասների, թիկնոցի, իսկ Բկոդմում գինյալի դեմքի, նիզակի և դրուլթյան ...ΑΞΕΡΞ... հատվածում առկա է մաշվածության տպավորություն ու աղոտություն: Ուշադիր զննելու դեպքում, սակայն, կարելի է նկատել, որ հատկապես արքայի դեմքի (ինչպես նաև Բկոդմում գինյալի դեմքի) մանրամասնությունների բացակայությունը ոչ թե մաշվածության, քայքայման կամ մեխանիկական վնասման հետևանք է, այլ պարզապես կնիքի անավարտ փորագրման⁴: Տվյալ դեպքում արքայի և գինյալի դեմքերի պատկերման անավարտությունը, խուլյրի և այլ պատկերագրական տարրերի աղոտությունն ու անորոշությունը թողնում են միտումնավորության տպավորություն և հետապնդում են, հավանաբար, դրամի իսկության մասին ավելորդ կասկածներ չհարուցելու նպատակ:



Այդ անորոշությունը հակադրվում է հստակորեն ընթերցվող դրուլթյան ոճական կատարելությունը: Եթե այս դրամը լիներ վավերական, ապա հռոմեական դրամական պատկերագրությունը բնորոշ իր մի քանի ա-

4 Բ կոդմում, գինյալից ձախ, նկատելի է դաշտի մակերեսի խորացում, որը, հավանաբար, լրացուցիչ մշակման հետևանք է:

ուանձնահատկութիւններով (դափնեպսակե շրջանակ, հոծ գծով արված կանոնավոր շրջան, շրջանաձև գրութիւն) այն պետք է իրոք թվագրվեր ոչ վաղ, քան մ.թ.ա. I դարի վերջը: Սակայն հռոմեական արևելքում թողարկվող դրամների հունարեն գրութիւնների տառաձևերը այդ ժամանակաշրջանում դաշլի փոփոխութիւններ էին կրել: Մինչդեռ այս դրամի գրութիւն մեջ մենք տեսնում ենք հելլենիստական ժամանակաշրջանի դասական տառաձևերը՝ մասնավորապես Σ, Ε, և Ω տառերի, որոնք եթե ոչ ժամանակավրեպ են, ապա չափազանց հազվադեպ կարելի է հանդիպել այդ ժամանակի դրամների վրա: Անբնական է նաև գրութիւն կատարյալ շրջանաձևութիւնը և տառերի արտակարգ համաչափութիւնը:

Դրամի վրա կարդում ենք արքայի անունը ΑΡΤΑΞΕΡΞΕΩ գրութիւնով: Արտաշեսյան դրամների վրա գրութիւն այս արխաիկ ձևը մինչև այժմ հայտնի էր Արտավազդ II-ի հրաշալի պահպանվածութիւն երեք տետրադրախմաններից (ΑΡΤΑΥΑΣΔΕΩ)⁶, ի տարբերութիւն դրախմանների, որոնց վրա արքայի անունը դրված է սովորական ձևով՝ ΑΡΤΑΥΑΣΔΟΥ⁷: Ինչ վերաբերում է Արտաշես III Զենոնին, ապա նրա թագադրման առիթով թողարկված հռոմեական դրամների վրա սլարզ ընթերցվում է արքայի ա-

5 Р. Е. В а р д а н я н. К вопросу о датировке двух групп армянских монет эллинистической эпохи.- Историко-филологический журнал, 1987, N 2, с.198-200.

6 Խ. Ա. Մ ու շ ե ղ յ ա ն. Արտավազդ II-ի չորեքդրամյանը.- ՊՐՀ, 1964, 2,317-323; Y. T. Nercessian. Armenian Coins..., pl. 45, 4a, 4b: Սեռական հոլովում ΕΩ վերջավորութիւնն ունեն ատտիկյան բարբառի արական և իղական սեռի II հոլովի քիչ թվով դոյականներ, տե՛ս С. И. Соболевский. Древне-греческий язык. М., 1948, с. 37; А. Ч. К о з а р ж е в с к и й. Учебник древнегреческого языка, М., 1975, с. 30-31. Պետք է շնորհակալութիւններ նշեմ նաև այն կարևոր տեղեկութիւն մասին, որ ստացա պրոֆ. Միմոն Կրկյաշարյանից. ատտիկյան II հոլովի կիրառութիւնը հիմնականում հասնում է մինչև մ.թ.ա. IV դարի վերջերը, երբ սկսում է ատտիճանաբար ձևավորվել համահունչ լեզուն կոյնեն: Ի. Դվորեցկու Հին հունարեն-ռուսերեն բառարանում (И. Д в о р е ц к и й. Древнегреческо-русский словарь, под ред. С. И. Соболевского. М., 1985) ամփոփված են ընդամենը շուրջ քառասուն անձնանուններ, որոնք Հոմերոսի և մ.թ.ա. V-IV դդ. հեղինակների մոտ (Հերոդոտոս, Քսենոփոն, Պինդարոս, Էսքիլես, Թուկիդիդես, Պլատոն, Արիստոֆանես և այլն) հանդիպում են սեռականի ΕΩ վերջավորութիւնով, մինչդեռ մ.թ.ա. I դարի և ավելի ուշ հեղինակների մոտ (Դիոդորոս, Պլուտարքոս, Լուկիանոս և այլն) այդ նույն անձնանունները սեռականում ունեն ՕΥ վերջավորութիւնը: Հայաստանի և նրա բոլոր հարևան ու հեռավոր պետութիւնների դրամների վրա (սելեկյան, բակտրիական, պարթևական, կապադովկյան, պոնտական և այլն) արքաների անունները դրված են սեռական հոլովի ՕΥ վերջավորութիւնով: Այս կապակցութիւնով Արտավազդ II-ի տետրադրախմաններն, իհարկե, խնդիր են հարուցում, որն ավելի մանրակրկիտ լեզվաժամանակագրական ուսումնասիրութիւն նյութ է:

7 Ի դեպ, ինչպես Փարաքարի օրինակի, այնպես էլ Ե. Ներսեսյանի դրքում ներկայացված երկու տետրադրախմանների վրա (Y. T. Nercessian. Op. cit. pl. 45, 4a, 4) արքայի անվան մեջ յոթերորդ տառը պարզորեն ընթերցվում է Σ (սիզմա), այլ ոչ թե Ζ (զեստ), ինչպես այն հիշատակված է Խ. Մուշեղյանի (Արտավազդ II-ի չորեքդրամյանը, էջ 318, 320, 323 և Դրամական շրջանառութիւնը Հայաստանում (Մ.թ.ա. V դ. - մ.թ. XIV դ.). Երևան, 1983, էջ 55), Զ. Պտուկյանի (op. cit., p. 69) և Ե. Ներսեսյանի (op. cit., p. 75) մոտ:

նունը՝ *ΑΡΤΑΞΙΑΣ*⁸, որը լիովին համընկնում է հունարեն դրավոր աղբյուրներում հանդիպող ձևերին՝ *Ἀρταξιάς*⁹:

Արտավազդ II-ի տետրադրախմաններից ընդօրինակված է նաև արքայի *ΘΕΙΟΥ* տիտղոսը՝ անվանային ձևով ներկայացված: Խ. Մուշեղյանը բավական մանրամասնորեն անդրադարձել է այս ձևի եզակիության խնդրին, նշելով, որ հելլենիստական աշխարհում թողարկված դրամների վրա մեզ հայտնի բոլոր այլ դեպքերում այս տիտղոսաձևը հանդես է գալիս որպես դոյական՝ *ΘΕΟΥ*¹⁰:

Արքայի դիմապատկերն իր հորինվածքով, պատկերադրական մանրամասնություններով ընդհանուր առմամբ նմանվում է Արտավազդ II-ի տետրադրախմանների պատկերատիպին¹¹ և հանդիսանում Տիգրան V-ի դիմապատկերի դրեթե պատճենը: Արտաշատի 1981թ. պեղումներից հայտնաբերված Տիգրան V-ի շատ լավ պահպանված բրոնզե մի դրամի վրա ամենայն պարզությամբ երևում են բոլոր մանրամասնությունները՝ ի տարբերություն մինչ այժմ հրատարակված նույնատիպ մի քանի դրամների (տե՛ս նկ.)¹²: Պետք է ենթադրել, որ հենց այսպիսի, լավ պահպանված մի դրամ ընդօրինակման նմուշ է ծառայել նյուլյորքյան այս հորինված դրամի համար:

Արքայի դիմապատկերը երիզող դափնեպսակը թեև կարող է համարվել հռոմեական կամ ենթահռոմեական դրամական պատկերադրության ոչ հազվադեպ հանդիպող տարրերից մեկը, սակայն ո՛չ նախորդ հայկական արքաների, ո՛չ էլ մ.թ.ա. I – մ.թ. I դդ. այլ դրամների Ակողմում դափնեպսակն չըջանակ էր պատկերվում:

8 P. Z. Bedoukian. Op. cit., p. 77, no. 168.

9 *Ἀρταξιάς* ձևը հանդիպում է Դիոդորոսի (XXXI. 22, 27a – Արտաշես I), Ստրաբոնի (XLIV. 5,6,15 – Արտաշես I), Հովսեպոս Փլավիոսի (XVII. 104 – Արտաշես II) մոտ: Կա նաև *Ἀρταξիդ* ձևը, որը մեկ անգամ հանդիպում է Դիոդորոսի մոտ (XXXI. 17 – Արտաշես I), իսկ Դիոն Կասիոսի մոտ այն միակ ձևն է (XLIX. 39,6, 44,4, LI. 16,2 – Արտաշես II, LVI. 9,4 – Արտաշես III): *Ἀρταξερξիդ* անվանաձևը հայ արքաների համար անտիկ հեղինակների մոտ չի հանդիպում, սակայն այն վկայված է 1985թ. Արտաշատի պեղումներից հայտնաբերված բրոնզե մի դրամի դրուժյամբ՝ ΒΑΣΙΛΕΩΣ ΑΡΤΑΞΕΡΞΕ. տե՛ս Մ. Զ ա Ր դ ա Ր յ ա ն. Եզակի դրամներ Արտաշատի պեղումներից. Արտաշես Բ, Դրամաշրջանառությունը Հայաստանում (գեկ. թեզիսներ), Երևան, 1998, էջ 5-6:

10 Խ.Ա. Մ ու շ եղ յ ա ն. Արտավազդ II-ի չորեքդրամյանը, էջ 320-321:

11 Նույն տեղում, տե՛ս նաև Y. T. N e r c e s s i a n. Op. cit., pl. 45, 4a, 4b.

12 Ակողմ – Տիգրանի դիմապատկերը աջ. շրջանաձև դրուժյուն՝ ΒΑΣΙΛΕΥΧ ΜΕΓΑΧ ΝΕΟΧ ΤΙΓΡΑΝΗΧ, Բկողմ – Օգոստոսի դիմապատկերը ձախ. շրջանաձև գրուժյուն՝ ΚΑΙΧΑΡ ΘΕΟΧ.

ΘΕΟΥ.ΥΙΟΧ [ΧΕΒΑΧΤΟΧ]: Բրոնզ. կշիռը՝ 15.04գ, տրամ.՝ 26,2 մմ, կնիքների հարաբերությունը՝ 12: Հայտնաբերման վայրը՝ VIII բլուր, քառ. 21N: Արտաշատի արչավախմբի ղեկավար Ժ. Խաչատրյանը սիրով ընդառաջեց մինչ այժմ չհրատարակված այս դրամը ներկայացնելու խնդրանքիս, որի համար հայտնում եմ իմ շնորհակալությունը:

Ինչ վերաբերում է զինյալի պատկերագրությունը, ապա ելնելով Հանդերձանքից (սաղավարտ, նիզակ, վահան), կարելի է ենթադրել, թե այստեղ պատկերված է Աթենասը (ինչպես փակագծերում նշված է Լ. Սարյանի մոտ): Իրականում, սակայն, սա Աթենասի (գոտկատեղից վեր) և Նիկեի (գոտկատեղից ցած) պատկերագրական տարրերի էկլեկտիկ միակցում է: Հունա-Հռոմեական պատկերագրությունը բնորոշ էր որոշակի ազատությունը և բազմազանությունը, բայց կային չափանիշներ և ավանդույթներ, որոնք պահպանվում էին նույնիսկ արևելքում: Կանգնած Աթենասը դրամների վրա սովորաբար պատկերվում էր անշարժ կամ ոտքերի աննշան շարժում արտահայտող կեցվածքով, մինչդեռ Նիկեն ներկայացվում էր կանգնած, քայլելիս կամ սլացիկ շարժման մեջ՝ ոտքերի ծայրերը հազիվ դետնին դիպչող, երկար խիտոնի ծածանվող քղանցքներով, ինչպիսին տեսնում ենք Արտաշատի քաղաքային վավերական բրոնզե դրամների¹³ և Արտաշես III-ին վերագրվող այս դրամի վրա:

Վերը ներկայացված ղիտարկումների և վերլուծության հիման վրա քննության առարկա դրամը կարելի է գրեթե վստահորեն հորինված համարել: Ասում եմ գրեթե, որովհետև եթե Հնագիտական պեղումների ընթացքում կամ արժանահավատ դրամագիտական կոնտեքստում (գանձ) հայտնաբերվի անվիճելիորեն վավերական նմանատիպ դրամ (կամ դրամներ), ապա հարկ կլինի զարմանալ ժամանակի օրինաչափություններին չենթարկվելու մեր նախնիների ունակության վրա¹⁴: Իսկ այժմ եզրակացությունս հետևյալն է¹⁵. դրամը հորինված է բավարար վարպետությանը, թերևս որոշակի բանիմացությանը, բայց ոչ համոզիչ լինելու աստիճանի: Ակողմում Տիգրան V-ի պղնձե դրամների արքայական ղիմապատկերի ըն-

13 Տե՛ս, օրինակ, Б.Н. А р а к е л я н. Арташат I. Ереван, 1982, տխտ. 78-ի մեծացված լուսանկարը:

14 Բոլորովին վերջերս տեղեկացա (որի համար պարտական եմ կոլեգայիս՝ Արմինե Զոհրաբյանին) Թեհրանի «Ալիք» օրաթերթում հրատարակված մի հաղորդագրության մասին («Արտաշես երկրորդի արծաթե դրամը», 21 ապրիլի 1998, էջ 7), ուր խոսվում է գնդապետ Անգրե Ռոնդի հավաքածոյում պահվող ևս մեկ այսպիսի դրամի մասին, որը նա ձեռք է բերել Լիբանանում որպես զինվորական կցորդ ծառայելիս: Դրամը հրատարակել է Հենց Ինքը՝ Ա. Ռոնդը, Փարիզում լույս տեսնող Bulletin de la Société Française de Numismatique -ի 1997թ. փետրվարյան համարում, որին ծանոթանալու հնարավորությունը դեռևս չեմ ունեցել: Գուցե առաջիկայում հարկ լինի կրկին անդրադառնալ այս հարցին, թեև չեմ կարծում, թե Լիբանանում գնված դրամը կարող է էականորեն ազդել այստեղ շարադրված փաստարկների և դրանցից բխող եզրակացության վրա:

15 Նույնիսկ չենք փորձի խորանալ պատմական բնույթի խորհրդածությունների մեջ, ցույց տալու համար Արտաշես III-ի կողմից նման դրամի թողարկման անհավանականությունը, քանի որ դրամն ինքնին ապացուցում է այդ: Նկատենք միայն, որ Գերմանիկոսի կողմից, ասել է թե՛ Հռոմի կողմից թագադրված արքային, որի իշխանությունն անցել է խաղաղությանը և որը մահացել է իր բնական մահով, չգիտես թե ինչու վերագրվել է Հենց APTAΞEPΞEΩ ΘEIOY գրությունից բացառիկ ձևը, որն ակնհայտորեն ակնարկում է (քանի որ այլ դեպք հայտնի չէ) Արտավազդ II-ին՝ հռոմեացիների կողմից դավաճան համարվող հայոց արքային:

